



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. III. Quomodo quis sortiatur forum ratione contractûs?

[urn:nbn:de:hbz:466:1-73001](#)

posset, eum punire; cùm non sit in ejus territorio; nec etiam Judex, apud quem moratur; quia ratione delicti non est illi subditus, nisi ibi habeat domicilium; ergo à nullo; ergo sic eludi posset intentionis juris naturalis, quam querit per vindictam publicam, ad exemplum populi, ut tollatur scandalum ibi datum. Et ita tenet Fachinæus l. 9. Controvers. c. 23.

¶ 86. Histamen non obstantibus, consuetudo demum recepta in imperio habet, quod ejusmodi Reus non remittatur; sed, ubi deprehenditur, puniatur, ut testatur Julius Clarus §. fin. q. 38. n. 20. & alii; non quidem jurisdispositione Judicii (ad quem profugit) competente ex delicto alibi commissò, ut per se constat; sed ex consuetudine jam recepta; quæ omnino recipi potest, cùm per eam caveatur sufficienter malis, de quibus n. præcedente; si etiam ibi manerent impunè. Solet tamen Judex captivitatis, ob jus amicitiæ, vel viciniæ quandoque Sponte remittere Reum ad Judicem delicti, aut domicilii; quæ remissio plerumque fieri solet, datis reversalibus literis ipsius Magistratus, aut Domini, remissionem petentis, quod videlicet hujusmodi remissio jurisdictioni remittentis non sit præjudicio futura; ut tradit Gail l. 1. de pace publ. c. 16. n. 30. & 31. Layman l. 3. Theol. mor. tr. 6. c. 5. n. 15.

§. III.

Quomodo quis sortiatur forum ratione contractus?

¶ 87. Communis tenet, quod quis ratione contractus in aliquo loco celebrati, in eodem sortiatur forum, seu constitutus sub jurisdictione Judicis, in cuius territorio contractum celebravit. Colligitur 1. ex c. fin. b. t. ibi: licet ratione delicti, seu contractus, aut domicilii, sive rei, de qua contra possessorem causa movetur quibus forum regulariter quis sortitur. Deinde ex c. Romana, 1. eod. in 6. §. contrahentes, ibi: contrahentes verò aliarum Diœcesum, super contractibus initis in Remensi Diœcesi ab eisdem (nisi inveniantur ibidem) trahere coram se non debent invitatos: licet in possessionem bonorum, quæ ibi habent, etiam cùm alibi copiam sui faciunt: si eorum auctoritate citati comparere contem-

nant, possint missionem facere contra eos: vel (si forte malitiosè se ipsos occultent, ne citatio perveniat ad eosdem) decernere faciendam in possessionem bonorum, quæ in alia etiam Diœcesi obtinere noscuntur; sed tunc loci Diœcesan⁹ addenunciationē ipsorum facies hujusmodi missionem. Idem dicitur L. Venire, &c. seqq. ff. de reb. author. Judic. possidend. seu vendend. ibi: *Venire bona ibi oportet, ubi quisque defendi debet: id est, ubi domicilium habet: aut, ubi quisque contraxerit.* Contratum autem non utique eo loco intelligitur, quo negotium gestum sit: sed quo solvenda est pecunia.

Pro intelligentia dictorum jurium meritò dubitari potest, quo sensu intelligendum sit, quod quis sortiatur forum ratione contractus in aliquo loco celebrati? Resp. Hoc sensu, quod si quis ab altero contrahentium conveniatur, seu in jus vocetur super eo præstanto, quod vi contractus debet, coram Judice loci, in cuius territorio contractus rei ipsa celebratus est, coram eodem respondere, ac se defendere teneatur; quando non est conventum de alio loco, in quo ea præstatio (solutio v. g. debiti) facienda sit. Nam si alius locus conventus sit, ibi conveniri Reus poterit, & conventus respondere tenebitur; tunc enim juris dispositione contractus ibi celebratus fingitur, ut constat ex cit. L. venire, in preced. num. ibi: *Contractum autem non utique eo loco intelligitur, quo negotium gestum est, sed quo solvenda est pecunia.*

Not. autem, ratione contractus præcisè in aliquo loco celebrati, neminem sortiri forum in loco contractus. Constat ex L. Heres. 19. 2, proinde, ff. de Judic. alias viator, & peregrinus in quovis loco, quem transit, si ibi divertat prandii gratiâ in hospitio, sortiretur forum; gloss. magna. in c. 1. §. contrahentes, b. t. in 6. tunc igitur ratione contractus sortitur quis forum in loco contractus, si in eo morain trahat, vel negotium ibi tractare coeperit, tabernam, officinam, vel quid simile conduxit, &c. ut solent mercatores venientes ad nundinas, ut dicitur cit. c. fin. b. t. & dict. L. Heres, ibi? Nunquid dicimus eum, qui à mercatore quid comparavit advena, vel ei vendidit, quem scit inde confessum profeturum, non oportet ibi bona possidere, sed domi-

domicilium sequi ejus : at si quis ab eo, qui tabernam, vel officinam certo loci conductam habuit, in ea causa est, ut illic conveniatur : quod magis habet rationem. *Nam ubi sic venit, ut confessim discedat*, quasi a viatore emptis, vel eo, qui transvehebatur, vel eo qui Paraplei emit, *durissimum est, quotquot locis quis navigans, vel iter faciens, delatus est, tot locis se defendi*. At qui quo constitit, non dico jure domicili, sed tabernulum, per gulam, horreum, armarium, officinam conduxit, ibique distraxit, egit defendere se eo loci debebit.

289. Not. 2. Quod scienter contrahens cum peregrino non possit cum convenire in loco contractus ; quia censetur creditor fidem ejus secutus ; secus contrahens ignorando cum esse peregrinum ; colligitur ex cit. §. proinde, per seum contrarium ; si tamen peregrinus de fide vel fraude suspectus sit, convenire potest in loco contractus, vel saltem cogi ad satisfandum, quod solvere velit in loco domicili, *gloss. in Q. proinde, V. debet, & sumitur ex L. 2. §. penult. junct. gloss. V. sola permissione, ff. de Judic.* intellige nisi alter conventum sit de pretio. Ceterum dominus, habens Institutorem extra locum domicili, ibi conveniri poterit, ubi negotium cum Institutore agitur, *L. Heres, Q. apud Labonem, junct. gloss. V. defendere ff. de Judic.*

290. Not. 3. Quando scriptura requiritur ad contractum vel ex natura contractus, vel ex pacto, per ordinem ad forum, non attendi locum contractus sed instrumenti confecti, *L. Contractus, 17. C. de fide instrum.*

Not. 4. Habentem forum in loco contractus ab Actore conveniri posse, ubi manuerit, vel in loco contractus, vel in loco domicili ; Abbas in c. si diligenter, 10. h. t. Unde licet conjuges in Dioecesi, ubi contraxerunt, ratione talis contractus sortiantur forum in ordine ad hanc causam, ut si unus eorum moveret item de nullitate propter impedimentum prius ignoratum, & nunc cognitum, possit alterum convenire coram Ordinario illius Dioecesis eo fine ut probato impedimento, nullitas matrimonii ab eodem declaretur, & posset tamen eundem, si vellet, convenire in loco domicili, etiam non requisito Judgee loci contractus, & cognito impedimento diti-

mente, quo stante matrimonium contraixerunt, declarare nullitatem ; quia licet ex contractu constituatur forum *positivè*, nimurum *ut possit ibi conveniri*, non tamen *privativè*, seu exclusivè, *ut non possit alibi*, v. g. in foro domicili habitacionis, vel originis, si ibi sit ; de quo plura lib. 4.

Not. 5. Eum, qui sortitur forum in loco contractus, Judici ejus loci subjici solam, *sicut in eo loco, in quo contraxit* ; et si contumax sit, compelli posse ad respondentum ; sit autem absens si, citari non posse ad comparendum personaliter ; bene tamen, ut respondeat, & si contumax sit, auctorem in ejus bona immitti posse, si quæ habet in eo loco ; si secus, ad id requirendum esse ejus Ordinarium, c. i. §. *contrahentes h. t. in 6. quem retulimus supr. n. 287*

Not. 6. In contractibus regulariter non esse locum remissioni, sicut diximus evenire in delictis a n. 279. Nam ut crimina puniantur in loco, ubi patrata sunt, reipublicæ interest, ut homines eo loco scandalizati, alieno exemplo cauti fiant.

Hoc tamen, quod postremo diximus, limita primò, nisi renuntiaverit legitimè foro domicili ; *gloss. in L. 1. V. pro non dato, ff.* Si quis in jus vocatus, & Bartolus ibid. n. 3. deinde nisi agatur de reddendis rationibus, ubi quis administrationem gessit, *L. 1. & 2. C. ubi de rationib. agi oport. tertio, nisi in loco contractus causa jam judicialiter cœpta sit ; L. ubi acceptum, ff. de Judic.* quartò, nisi contrahens juraverit, se in foro contractus responsurum ; Covarruvias in c. 10. ff. de jurisd. Ordinari n. 6. quinto, nisi contrahens promiserit ibi non tantum solvere, sed etiam se sistere. Tum enim remissio locum habet, quando agitur de solutione ; Covarruvias cit. n. 6, §. 12.

Not. 7. Hic nomen *contractus* summi latè, utveniant sub eo etiam, pacta ex quibus taliter ita uno nascitur obligatio, ut dorio tutela administratio &c. *L. Heres, Q. 1. & L. omnem, 20. ff. de Judic.* ibi : *Omnem obligationem pro contractu habendam existimandum est, ut ubicunque aliquis obligetur. & contrahi videatur quamvis non ex crediti causa debeatur.* Hinc etiam intelligitur de distractu, seu dissolutione contractus, v. g. ratione doli, lassionis, & statim, &c. Barcol. in c. fin. h. t. n. 5. non autem de sola confirmatione contractus, facta in forma

forma communis; hæc enim nihil operatur, aliquid innovando; sic Gail. l. 2. obseru. i. n. 4. in contrâctu autem conditioinali, quoad forum ratione illius contrahendum, attenditur locus, in quo celebratus est; non autem locus, in quo impletur conditio; sic Barbosa cit. n. 4.

293. Not. 8. Tutores, & negotiorum gestores conveniri posse in loco, ubi negotia gesserunt, juxta textum legis 19. S. 1. ff. de Judic. Si quis autem indebitum solvit, condicione indebiti solutum repetere potest quolibet loco, quod specialiter dispositum est L. 27. ff. de condic. indebiti ibi: *Qui loco certo debere existimans indebitum solvit, quolibet loco repete: non enim existimationem solventis eadem species repetitionis sequitur.*

294. Not. 9. Generaliter verum esse, quod debitor citari possit, & cogi ad comparendum in loco contractus, nisi pati velint immissionem in bona, si qua ibi habet per L. heres absens, 19. Q. 1. ff. de Judic. ibi: *Heres absens ibi defendendus est, ubi defunctus debuit, & convenientius, se ibi inventiatur, nulloque suo proprio privilegio excusat. Si quis tutelam, vel curam, vel negotia, vel argentariam, vel quid aliud, unde obligatio oritur, certo loci administravit: & si ibi domicilium non habuit, ibi se debebit defendere: & si non defendat, neque ibi domicilium habeat, bona possideri patietur.* Si autem ibi non habet bona convenientius est in loco domicilii, nisi teneatur actione tutelæ, negotiorum gestorum, mandati pro socio, quibus hoc est speciale, ut tales ad locum remittendi sint, quoniam ibi suppetit totius rei instruatio amplior, aut jurejurando promiserit, se certo loco soluturum.

295. Not. 10. Legatus non posse in loco conveniri, quo ante legationem contraxerant; bene tamen ex delictis in legatione commissis cogi judicium Romæ pati sive ipsi admiserint, sive servi eorum, ut dicitur L. non alias, 24. ff. de Judiciis. deinde L. Si quis, 8. ff. eod. De Legatis aliud privilegium habetur, nimirum quod non possint conveniri in loco legationis actione de constituta pecunia, licet constituerint se illo loco soluturos, si alio tempore contraxerunt; constat ex textu ibi: *Si quis in legatione constituerit, quod ante legationem debuerit: non cogi cum ibi judicium pati, ubi constituerit.*

Not. 11. Si contractus celebratus sit, 296. implemento ejus, vel solutione in alium locum destinatâ, forum constitui in loco destinato, nisi creditor debitorem malit convenire in loco domicilii, L. Heres, Q. ult. ff. de Judic. quia quilibet censemur in eo loco contraxisse, in quo, ut solveret, se obligavit, L. 21. ff. de oblig. tract.

Not. 12. Mercatores venientes ad nundinas non posse in loco tiundinarum conveniri ratione debitorum alias contractatum per L. unic. C. de Nundin. ibi: *Vel sub praetextu privati debiti aliquam ibidem concurrentibus molestiam possint creare. Aliud est dicendum de debitis in nundinis contractis, aliquanta infinitis fraudibus via aperiretur, & multi ementes, nec tamamen de præsenti solventes, se subducere, & solutionem incertam, vel difficilem creditori redderent.*

Quæstio ulterior est, at, quis non obstante privilegio Apostolico (ne ultra Diccesin, vel ultra mare valeat trahi) possit conveniri in loco, ubi se soluturum promisit? Resp. Hanc quæstionem motam coram Gregorio IX. ut habetur in c. dilecti, 17. h. t. Duo enim cives Romani litteras impetrarunt à Gregorio IX. ad Abbatem Parisiensem contra Rabanum Episcopum Dulmensem propter summam pecuniae illis debitam. Eo mottuo Abbas vigore rescripti citavit successorem Episcopum: is exceptit Anglos à Sede Apostolica habere privilegium, ne citra mare conveniri possint, quamobrem Abbas in causa progredi intermisit. Respondit hic Gregorius IX. exceptionem hanc non subsistere; quia, tametsi ponamus privilegium tale haberi, tamen non proficeret iis, qui se certo loco responsuros, aut soluturos Adversariis promiserunt: cum tales conveniri possint, tum in loco domicilii, tum in loco ubi solvere promiserunt. Quare mandat Episcopo Dulmensi, ut dictis civibus satisfaciat, tum quoad pecuniam debitam, tum quoad estimationem expensarum & damnorum, rejectis usuris; alioquin mandatur Abbati, ut non obstante illo privilegio in causa sibi commissa juxta priores litteras procedat. Ex qua decisione Pontificia respondendum ad quæst. propositam affirmativa cum cumuni, ut tradit Vivianus in Rationali l. 2. juris Pontif. pag. 32. & alii. Deducitur præterea 1. Quod præfati, 299.

giatus, ut non teneatur respondere nisi in certo loco, si in alio loco respondere, vel solvere promittit, ibi poterit conveniri, & etiam ubi habet domicilium; sic Barbosa in *dict. c. dilecti, n. 1.* ex quo habetur, licet habens alibi domicilium, etiam in alio loco ratione contractus in hoc celebrati sortiatur forum, non ita tamen alligari loco contractus, ut super hoc non possit conveniri in loco domicilii, si Actor velit; constat ex textu *c. dilecti*, ibi: *Cum ibi (nimirum ubi contraxerunt) & ubi domicilium habent, valeant conveniri*, in qua verba glossa ibid: *sic est in electione Creditoris, ubi malit ipsum convenire*. Hinc quando Reus jure communi, non jure speciali, habet duos Judices, poterit Actor ex his, quem maluerit, eligere ad actionem prosequendam, per *gloss. 2. post princ. & gloss. 7. l. 2. tit. 1. lib. 2. fori leg. Covar. var. lib. 1. c. 18. n. 6.*

300. Deducitur 2. Successorem posse conveniri in causa Ecclesie sua ex rescripto imperato contra Antecessorem in illa; consequenter in loco contractus à Prædecessore celebrati; colligitur ex textu, ibi: *Contra R. Prædecessorem tuum literas impetrâissent*; quod intellige, quando ab Antecessore causa inchoata est nomine dignitatis, ut recte observat Decianus in *c. quia 11. de Judiciis, n. 8.* ubi dicitur, quod per rescriptum impetratum contra violentem, conveniatur, qui scienter succedit in vitium. Et quoniam Successor Episcopi non tantum respondere, sed etiam solvere debuit æ alienum in Ecclesia sua contractum (utique nomine, ac in utilitatem Ecclesie) recte sequitur etiam ad hæc onera teneri Successorem, quæ à Prædecessore contracta sunt, nomine, ac in utilitatem dignitatis, vel Ecclesie.

301. Deducitur 3. Privilegium Apostolicum, ut aliquis per literas, seu rescriptum Papale trahi non possit extra Diocesin, vel ultra mare, intelligi debere juxta materiam subjectam, & ordinari; secus autem est, si in alio loco contraxit, aut quasi contraxit, vel deliquit; tunc enim ex speciali causa forum acquirit, cui per generale privilegium derogatum non censetur. Accedit, quod privilegium, quatenus tendit in alterius, videlicet Actoris præjudicium, strictam interpretationem mereatur, juxta doctrinam Innocentii: privile-

giūm latè interpretandum esse, quatenus agitur de jure concedentis; strictè autem, quatenus agitur de juribus aliorum, quibus præjudicatur. Videtur tamen textus in hac materia intilligendus in eo qui tempore contractus jam habebat privilegium, cui tacitè videtur renuntiare quoad effectum, ut in loco contractus conveniri possit. Sic Barbosa in *cit. c. dilecti, n. 4.*

Quæstio altera est, juxta cujus loci jura, 302. vel consuetudinem contractus regulari debeat in casu, quo aliis est locus contractus; aliis, destinatæ solutionis? Resp. Quæstionem posse intelligi vel ordinazione litis, seu judicii, quæ oritur ex contractu celebrato; vel de litis & causæ decisione, aut ipsius contractus solennitate, & substantia; quo posito dicendum, litis ordinationem fieri debere juxta jura loci, in quo semper contractu judicium exercetur, *L. Testium, 3. ff. de Testibus, §. Testes, 6.* ibi: *Diligentia Judicis est explorare, quæ consuendo in ea Provincia, in qua judicat, fuerit*; in altero autem contractum regulari debere juxta jura loci, in quo celebratus est. Nam contractus subjicitur legibus illius loci, in quo verba obligatoria probata sunt; Abbas in *c. ult. & c. quod Clericus, h. t. n. 11.* Gail. *l. 2. obser. 123.*

303. Ab hoc tamen excipiendum est contractus dotis; quam mulier, soluto matrimonio, recipere deberet in loco mariti, ubi is degit, & juxta ejus domicilii jura; non, ubi promissio facta est, vel dotale instrumentum conscriptum, ut dicitur in *L. exigere, 65. ff. de Judiciis*, ibi: *exigere dotem mulier debet illic, ubi maritus domicilium habuit; non ubi instrumentum dotale conscriptum est.* Nec enim id genus contractus est, ut & cum locum spectare oporteat, in quo instrumentum dotis factum est, quam eum, in cujus domicilium, & ipsa mulier per conditionem matrimonii erat redditura. Quibus ultimis verbis ratio decisionis insinuatur: quia per ipsum contractum dotalem mutat Uxor forum, & migrat in forum, & domicilium Mariti, idque retinet. Intellige tamen, nisi aliter conventum sit, juxta *L. Heret. & proinde, ff. cod.* Ex hoc colliges, quod si in loco domicilii Mariti, soluto matrimonio, conjunx superstes, vel dimidiam partem, vel totam dotem, aut donationem propter nuptias lucretur, id vero non obtineat in loco contractus, su-

perstes conjunx eam lucrabitur; Bartolus
in cit. L. exigere, & L. si fundus ff. de
Evicit.

Q. IV.

Quomodo quis sortiatur forum ratione
rei sitæ?

304.

Cum frequenter contingat, quod quis
extra locum sui domicilii possideat
bona quædam immobilia, in alieno terri-
torio sita, quæstio est, an ratione illorum
in tali loco sortiatur forum, seu coram Ju-
dice illius loci conveniri possit, & se defendere
adversus Actorem, à quo in jūs co-
ram Judice illius loci vocatus est? de hoc
agit in c. sanè, 3. h. t. ibi: Sanè se Episco-
pi, inter quos causa versatur, sint diver-
sarum Provinciarum: ille Primas det Ju-
dices, in cuius Provincia est locus, de quo
contenditur; & c. fin. eod. ibi: Licet ra-
tione delicti seu contractus, aut domicilii,
sive rei, de qua contra possessorem causa mo-
vetur: quibus foris regulariter quis sorti-
tur; & L. 3. C. ubi in rem actio exerceri
debeat, ibi: Sed & in locis, in quibus res,
proprie quas contenditur, constituta sunt,
jubemus in rem actionem adversus possiden-
tem moveri. Ex his juribus sequen-
tem communī calculo assertionem Do-
ctores deducunt: quod ratione rei, de qua
agit (si ea feudal is non sit) sortiatur quis
forum, & ubi ipsa existit; conveniri
valeat.

305.

Verum ad rectam intelligentiam hujus
assertionis not. 1. illam esse intelligendam
de casu, quo quis convenitur actione in
rem, seu reali; non autem personali; con-
stat ex dicta L. 3. ibi: jubemus in rem a-
ctionem adversus possidentem moveri; &
c. sanè, ibi: in cuius Provincia est locus.
Not. 2. dici communiter, dictam assertio-
nem accipiendam in calu, quo res sub ali-
eno Judice ista est immobilis; non verò,
si mobilis, vel se movens; sic Layman in
c. sanè n. 2. sed probabilitus videtur etiam
procedere in casu, quo res est mobilis, aut
se movens, licet potissimum de re immobi-
lili; ita Haunoldus tom. 5. tr. 1. n. 366.
Nam verba citatae legis 3. ambobus ac-
commodantur. Ex hoc vides, quod ci-
vis Græcensis in alio territorio v. g. La-
baci habens rem aliquam immobilem, co-

ram Judice Labacensi conveniri debeat;
siquis contra illum agat actione reali, con-
cernente rem illam Labaci sitam. Nam
in loco, ubi res, ob quas contenditur, sita
est, in rem actio adversus possidentem
moveri debet, cit. L. ult.

Dixi: de re potissimum immobili. Nam
idem dici posse ratione rei mobilis colli-
gitur ex L. quod legatum, 38. ff. de Judi-
citis, ubi dicitur, legatum ibi peti actione
in rem, ubi res est; & arg. L. ult. C. ubi in
rem actio, qua generaliter & indistincte
dicitur, actionem in rem adversus possiden-
tem moveri posse in locis, in quibus res,
propter quas controvertitur; constituta-
sunt; Barbola in c. fin. h. t. n. 15. sed in-
tellige, modo res illa mobilis in eo loco sit
permanenter, & non transeunter solum,
vel custodia solius causa; alias enim non
censetur esse in tali loco; sic Bartolus in cit.
L. ult. n. 2. Abbas in c. final. h. t. n. 43. Ex
hoc colliges, quod Petrus, civis Hispalen-
sis, qui Paulo civi Græcensi furatus est e-
cum Viennæ, transiens Græcio, non pos-
sit à Paulo coram Judice Græcensi conve-
niri. Non actione personali; quia Petrus
ratione personæ non est subditus Judicis
Græcensis; non etiam ratione delicti; quia
hoc non est commissum Græci; non ra-
tione rei tunc Græci existentis, quia Græ-
ci est solum transeunter. Si tamen Petrus
coram suo competente judice conveniri à
Paulo non posset vel de fuga suspectus esset,
posset cogi ad satisandum, per pignus, vel
fideiussores de stando juri, vel fistendo le
judicio competenti. Si autem cautionem
præstare nollet, aut non posset, sequestra-
nda foret res, donec coram competen-
te Judice causa cognoscatur; Abbas cit.
num. 44.

Not. 3. ut actio institui possit in loco rei
sita, non requiri, quod Reus tunc ibi præ-
sens sit; quia si Judex rei in suo territorio si-
ta Reum citavit, & is contumaciter absit,
potest eum, qui actionem realem intenta-
vit, mittere in possessionem eorum bono-
rum, quæ Reus habet in hujus Judicis ter-
ritorio, c. fin. §. ult. ut lite non contestata:
etiamsi possessio non sit in eodem loco; 306.
quia actio realis rem, non personam sequi-
tur; L. Actionum, 25. ff. de obligat. & a-
ction. Et quia actio mixta, seu in rem scrip-
ta non solum personam, sed etiam rem
persequitur, eadem etiam intentari potest
coram